



Anna Wangenheim
Inatsisartunut ilaasortaq
Demokraatit
inatsisartut@inatsisartut.gl

Pisortat illuutaanniit attartortittakkanit anisitsisarnerit pillugit § 37 naapertorlugu apeqquteqaammut 2024-063-imut akissut

06-05-2024
Sags nr.: 2024-7937
ID nr.: 92094335

Asasara Anna Wangenheim,

Inatsisartut suleriaasianni § 37 naapertorlugu Pisortat illuutaanniit attartortittakkanit anisitsisarnerit pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Naalakkersuisut oqaatigisinnaanerpaat, qassit, pisortat illuutaanniit attartortittakkaniit ineqarnermut akiliinngitsoornermik kingunerisaanik anisitaasimanersut ukiuni 2021, 2022, 2023 aamma 1. marts 2024 ilanngullugu?

Akissut: Pisortat inissiaataannik attartortittakkanik aqutsisut, akissuteqarnissami tapersiissuteqartinneqarput.

INI A/S-ip paasissutissiissutigaa:

"Ukiumut anisitsisimanerit, atorunnaarsitsisimanerillu

Suna	2021	2022	2023	1 kv. 2024
Politiit ikiorsiullugit anisitsinerit	66	90	55	38
Politiit ikiortiginagit atorunnaarsitsinerit	15	16	15	5
Katillugit	81	106	70	43

Inisseeqqinnerit 45 56 23 23

Politiit ikiorsiullugit atorunnaarsitsinerit: Politiit ikiorsiullugit anisitsisoqarluni atorunnaarsitsinerit.

Politiit ikiortiginagit atorunnaarsitsinerit: Attartortut attartukkamit atorunnaarsitamit namminneerlutik aninerat.

Inisseeqqinnerit: Attartortuusimasunik illoqarfimmi inisseeqqinnerit katillugit qassiusimanersut."

Iserit A/S-ip paasissutissiissutigaa:

"2021-2024 anisitsinerit

Suna	2021	2022	2023	1.kvartal 2024
Anisitsinerit katillugit	16	19	23	8
Taakkunangga ukiup naanerani inisseeqqinnerusimasut	1	2	3	

Oqaaseqaatit:

- Iserit A/S anisitsigaangat, tassungalu atatillugu inisseeqqikkaangat politiit peqataasarput

- Amerlanersaasa neqeroorut atorneq ajorpaat, allamulli inissittarlutik*
- *18-it inorlugit ukiullit qassit angajoqqaaminniinersut Iserit A/S-ip kisitsisaatiginngilaa. Pisortaniilli ikiorsiisoqarsinnaanera siunertarlugu, anisitsinissat tamaasa sioqqullugit kommunimi isumaginnittoqarfik ilisimatineqartuaannarpoq*
 - *Attartornermi isumaqatigiissutip nassuiarneqarneratigut (pisinnaatitaaffiit, pisussaaffiillu), Betalingsservicemut il.il. pinaveersaataasumik ilanngunnisamik innersuussinikkut, attartornerup aallartinnerani Iserit A/S siunnersuisarpoq. Iserit A/S illoqarfiit pingaarnersaanni attartortittakkaat 2455-it aqutarai."*

a) Taakkunannga qassit politiit ikiorsiullugit anisinneqarsimappat?

Akissut: Apeqqu 1-imut akissut takuuk.

b) Anisitaasunit qassit ilaqutariiusimappat 18-it inorlugit ukiulinnik meerartallit?

Akissut: INI A/S tapersiissuteqaqquneqarami ima paasissutissiivoq:

"18-it inorlugit ukiullit qassit angajoqqaaminniinersut INI A/S-ip kisitsisaatiginngilaa. Anisitsinerilli tamaasa kommuni akuusarpoq, tamannalu taakkua ilisimallugu. Ataatsimut isigalugu, anisitsinissat pinngitsoortinniarlugit, pingaartumilli attartortut ukiukitsunik meerartaqartillugit, suut tamaasa misilinneqartarput. Inisseeqqinnissamik neqerooruteqartoqarsinnaatinnagu anisitsisoqarneq ajorpoq. Ilaqarpoq inisseeqqinnissaminnut imminnut isumaginnittartunik, taamaattoqaraangallu INI A/S-ip sinnera qulakkeertarlugu."

Iserit A/S-ip Apeqqu 1-imut akissutaa takuuk.

i. Taakkunannga qassit inissarsisitseqqinneqarsimappat?

Akissut: Apeqqu 1-imut akissut takuuk.

c) Suliani qassini anisitaanerni akiitsoqartunut siunnersuineq atorneqarsimava?

Akissut: Pisortat inissiaataannik attartortittakkanik aqutsisut, akissuteqarnissami tapersiissuteqartinneqarput.

INI A/S-ip paasissutissiisutigaa: "Attartortut tamarmik akileeqqusummik aappasaanik nalunaarfigitittut (atorunnaarsitsinissamik siumut nalunaarfigineqartut), aningaasaqarneq pillugu siunnersorneqarnissaannik neqeroorfigineqarput. Ataatsimut isigalugu attartortut 4.700-inik amerlanerusut, 2023-mi decembarip 31-ani aningaasaqarnikkut siunnersorneqarsinissamik neqeroorfigineqarsimapput. Taassumap saniatigut attartortut akiitsullit, siullermeertumillu nalunaarfigineqarsimasut (akiliinissaminnik eqqaasinneqarsimasut) arlaqartut, aningaasaqarneq pillugu siunnersorneqarnissaminnik neqeroorfigineqarsimapput. Taamaakkaluartoq akiitsut pillugit siunnersorneqarnissamik neqeroorummik attartortut qassit atuinersut allatorneqarneq ajorpoq."

Iserit A/S-ip paasissutissiisutigaa:

"Akiligassat sulii akilerneqanngikkunik (attartukkamit anisitsineq) kingunissai kiisalu isumaginnittoqarfimmut ikioqquneqarnissamik periarfissaq pillugit paasissutissiisarneq eqqaassanngikkaanni, attartortoq nammineerluni saaffiginngippat, eqqaasitsinernut atatillugu siunnersuinissamik neqerooruteqartoqarneq ajorpoq. Taassumap saniatigut aningaaserivimmi

budgetkontomik ammaanissaq, BetalingsServicemullu ilanngunnissaq siunnersuutigineqartarput.

Eqqaasitsissummik tiguisunit 3207-isunit qassit siunnersortikkusullutik saaffignissimanersut, qassillu siunnersortissimanersut Iserit A/S-ip kisitsisaatiginngilaa. Taamaakkaluartoq taakkunannga arlaqartut eqqaasitsissummik ataasiaannaratik nassinneqartarsimapput, kingunissailu ilisimallugit.

Taamaakkaluartoq akileeqquusiissutinut eqqaasitsinernut sanilliullugu anisitsinerit taakkua ikitsut (attartortunit 2455-iusunit 0,94 %-it) takutippaat, qujanartumik amerlanerit akiitsumi akilernissaannut aningaasanik pissarsinngikkunik, pisortanit ikiorserneqartartut.

Ilassutitut paasissutissiissutigineqarsinnaavoq, akiitsunut siunnersuisartumik Iserit A/S atorfeqartitsinngimmat, taamaakkaluartorli attartortitsisarnermut immikkoortortaqaqarfinni siunnersortigut aqquqatigalugit attartortut akiileeqqusissummik eqqaasinneqartut attaveqarfigalutigit."

Apeqqu 2: Eqqartorneqartumut attuumassutilinnik allanik Naalakkersuisut paasissutissiisnaappat?

Akissut: INI A/S tapersiissuteqaqquneqarami ima paasissutissiivoq:

"Illoqarfinni tamani politiit anisitsinerni ikiuukkumaneq ajormata, politiit ikiorsiullugit anisitsinerit amerlassusaat nangaassutitalimmik isigineqassapput. Anisitsisarnerni assigiimmik atugassaqartitsiniarluni INI A/S qitiusumik, nunallu immikkoortortaanni ataavartumik oqaloqateqartarpoq. 2023-mi suliat ukioq manna aatsaat naammassineqarnerat, 2024-mi taamak amerlatiginerinut patsisaasinnaavoq.

Ikorsiissutit tunniunneqartarnerini ukioq-manna nutaamik suleriaaseqalerneq, INI A/S-p aamma eqqumaffigaa. Innuttaasup aalajangersimasumik aningaasartuutissaanut, matumani ineqarnermut akiliutissat ilanngullugit, aningaasartuutissat kommunip tunuarsimaartinneq ajorpaat, aningaasalli tamakkiisumik innuttaasumut tunniussinnaallugit. Tamanna qularnanngitsumik akiitsoqalersartunut sunniuteqassaaq. Tamanna malinnaavigaarput, unammillernarsinnaasorlu aamma kingunerisinnaasai pillugit kommunit oqaloqatigalugit."

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Hans Peter Poulsen